

QVODLIBETARIIS DISPUTATIONIBVS EXCVTIENDA IN SCHOLIS
MEDICORVM DIE IOVIS III. FEBRVARII M. PHILEBERTO GVIBERT MEDICO
MODERATORE PRVDENTISSIMO.

An omne viuens, calidum humidum?

CVM OMNIS MUTATIO ex repugnantia contrariorum poscitur, nullus est qui rerum subluarum vniuersitatem assidue mutationi obnoxiam, variis contrariisque principiorum generibus, aspersam esse negauerit nisi imprudens. Simplex enim & vnicum cum à se affici non possit, non haberet à quo pateretur. Quapropter elementa quatuor, communia rerum omnium semina, contrariis prædita fuere qualitatibus à natura, ut in se inuicem insurgerent & colluctarentur. His adiunctæ sunt aliæ retusæ ad faciliorem & commodiorem transmutationem. Sic ignis intensè calidus, remissè secus; aqua intensè frigida, remissè humida; aer intensè humidus, remissè calidus; terra intensè sicca, remissè frigida.

PSORVM AVTEM ELEMENTORVM corpora, sine quibus qualitates subsistere non possunt, concurrunt vna cum qualitatibus ad mixtorum compositionem: Ita tamen ut quamuis penes substantias & qualitates misceantur, neque substantiæ, neque qualitates in se sed duntaxat seruentur. Quatuor hæc inter se contraria, certa quadam proportionè cœunt, ut vnum tantum aut saltem duo victis aliis exuperent, vel confecta iam pugna æque vincant & viantur.

IN C (quia tanta in temperie, quanta in mixtione varietas) resultat temperamentum duplex, vnum & simplex, exquisitè temperatum, in quo elementorum vis est eadem, & omnium par ratio: alterum & duplex, in quo vna aut duæ prepollent citra tamen actionis læsionem. Illud partim pondere, partim iustitiâ æstimari debet: hoc vero multiplex. Nam pro numero primarum qualitaturn, quatuor sunt simplices temperamenti differentię, & totidem compositæ pro numero combinationum. Et ita nouem tantum erunt temperamēta: temperatum vnum, norma cæterorum instar statua; olycleti, & octo intemperata. Horum non minima est latitudo, vnde innumeræ fere corporum dissimilitudines confurgunt & proprietates quas idcirco nuncupare solent.

ANIMARVM TRIA SVNT omnino genera, pro quorum numero tres tantum viuentium constituuntur differentię, quando quidem vita & anima reciprocantur. Hæc tres animæ inter se specie differunt. Plantæ namque quibus vegetans, belluæ quibus sentiens, homines quibus rationalis concessa est, cum propter animam speciem differant, ipsas etiam animas per quas vegetant sentiunt discurrunt, specie differre consentaneum est. Perfectionibus insuper distinguuntur: adeo ut sicut rationalis sentiente, ita sentiens vegetante nobilior & præstantior sit. Non tamen ob id inæqualiter nomen & rationem sui generis participant: Vegetans enim non minus est forma & summa perfectio plantæ, quàm sentiens belluæ, & rationalis hominis.

IN VNOQVQVE HORVM trium viuentium genere, quis non videt pro varia & multiplici elementorum permixtione, variam quoque & multiplicem reperiri temperiem ab excessu qualitaturn denominatam? Inde (ut à plantis exempla ducam) aliæ calidæ, aliæ frigidæ, quædam humidæ, quædam etiam siccæ, id quæ primo secundo, tertio, vel quarto gradu. Sic absinthium, anethum, abrotonum, & allium, calidæ: malua & lactuca humidæ: feniculum rotmarinus, sabina, sinapi, siccæ: fumaria denique endiuia, hyoscyamus & mandragora, cicuta & papauer frigidæ; adeo ut postremæ hæc quatuor frigiditate sua enecent & inter venena numerentur. Quin & in animantibus leo calidus, formica sicca, vermis humidus, salatranda denique adeo frigida ut ad certum vsque tempus ab igne nil patitur, & in mediis flammis viuat.

Ergo non omne viuens calidum humidum.

Asserebat LVETIÆ IACOBVS PERRELLVS Tornodorensis, anno Domini 1611.

DOMINI DOCTORES DISPUTATVRI.

M. Iacobus Letus.
M. Ioannes Riolt. Prof. Reg.
M. Andreas le Gros.

M. Ioannes le Mercier.
M. Michael Toutain.
M. Guillelmus Lescailion.

M. Robertus le Secq.
M. Simon le Tellier. Med. R.
M. Iacobus Goussier.

